



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectae

Sandini, Antonio

Bambergae, 1753

XI. S. Pius I. Anno Christi 158. Antonini Pii Imperatoris 19.

[urn:nbn:de:hbz:466:1-65446](#)

S. PIUS I.

ANNO CHRISTI 158.

ANTONINI PII IMPERATORIS 19.

Bar. an.
158. §.3. PIUS Aquilejensis, Rufini filius dicatur à quibusdam. Hygino subrogatus est; idque pluribus scriptoribus tum coævis, tum recentioribus credo. (1) S. Optatus, & S. Augustinus pòst aliquantò nati. Hygino non Pium, sed Anicetum suggesterunt. (2) Pio decretum de Pascha celebrando die Dominico perperam adjudicatur. Epistolam enim, ex qua illud sumitur, supposititiam esse non ambigitur. Nam quod habetur in Eusebii Chronico, sancitum à Pio, ne Resurrectio Dominicæ die Dominicâ celebretur, quod à pluribus postea Pontificibus confirmatum est; id procul dubio deleri oportet. Præterquam quòd enim verba illa in MSS. Codicibus non reperiuntur, constat tale decretum de celebrando Paschate die Dominicâ ab Apostolis sancitum fuisse, ut docent Socrates lib. 5. cap. 21. Eusebius lib. 5. Hist. cap. 23. Et apud Bedam lib. de ratione

An. 159.
§. 1. 2.

tione temporum seu de natura rerum, Adonem, & Marianum, licet totum fere Chronicon Eusebii transcriperint, nihil tale reperiatur. (3) Alterius decreti de penitentia ab eo subeunda, cuius negligentiâ aliquid sanguinis Christi Domini effunderetur, auctorem Pium facit Gratianus cap. si per negligentiam 27. dist. 2. de Consecrat. Id ego certum affirmare non ausim, quia nullam apud vetustiores scriptores ejus rei mentionem invenio. Pon. An. 167.
 tifex fuit annos novem & menses sex, §. 1.
 tribus minus diebus: ejusque Pontifi. Pag. an.
 catûs anno septimo, Christi 164. 165. §. 3.
 quartam in Ecclesiam persecutionem
 Marcus Aurelius Antoninus, & Lu-
 cius Aurelius Verus Imperatores ex-
 citarunt. (4)

ANNOTATIONES.

(1) Irenæo lib. 3. cap. 3. & Hegesippo apud Eusebium lib. 4. Hist. Eccl. cap. 21. ubi dicit, Aniceto, sub cuius Pontificatu Rome degebat, Soterem successisse. Horum astipulatores sunt Eusebius Ipse in Chronicô, Epiphanius hær. 27. §. 6. & Nicephorus Callistus lib. 3. cap. 25. Vide Schelstratum in Antiquitate Ecclesiæ illustrata tom. 1. differ-
 tat. 2. cap. 4.

C 3

(2)

(2) Ille lib. 2. contra Parmenianum §. 3.
hic epist. 53. alias 165.

(3) Arnaldus Pontacus in Chronicon Eusebii pag. 615.

(4) Sulpicius Severus lib. 2. Hist. Sacrae
cap. 31. *Quarta sub Hadriano persecutio
numeratur*, quam Hieronymus epist. 84.
vocat *persecutionem gravissimam*. Plerique
tamen scriptores eam prætermittunt; puto,
quod nullum in Christianos edictum Ha-
drianus promulgaverit, ut ex Tertulliano in
Apolog. cap. 5. docet Baronius ad an. 120.
§. 3. Orosius lib. 7. cap. 27. quartam facit,
quaे sub Aurelio & Lucio Vero agitata est.
Eusebius in proœmio lib. 5. Hist. Eccl. scri-
bit, eā sāiente *ex incursione popularium,
innumerabiles prope martyres per uni-
versum Orbem emituisse*.

XII.

S. ANICETUS.

ANNO CHRISTI 167.

M. AURELII & L. VERI IMPERAT. 5.

Bar. an.
167. §. 4. **A** NICETUS Syrus. Hic, teste
auctore Libri Pontificalis, con-
stituit, ut Clericus comam non nutrire
§. 2. 3. secundum præceptum Apostoli, (1) &
Pag. an. referente Eusebio lib. 5. Hist. Eccl.
173. §. 3. cap. 24. contentionem de celebratio-
ne Paschæ habuit cum Polycarpo S.
Joan-